

## K O N K U R S

za dodjelu stipendija u akademskoj 2015/16. godini  
za koje finansijska sredstva obezbjeđuje Bejtuzzekat iz Kuvajta

### I

Na osnovu Sporazuma o saradnji sa Bejtuzzekatom iz Kuvajta obezbjeđena su finansijska sredstva za stipendiranje **50 studenata na prvom ciklusu studija** koja će Fond "Bošnjaci", shodno kriterijima, sistemu bodovanja i teritorijalnoj zastupljenosti, dodijeliti redovnim studentima na **javnim** visoko-školskim ustanovama u Bosni i Hercegovini, i to:

1. Univerzitet u Sarajevu ..... 9 stipendija;
2. Univerzitet u Tuzli ..... 9 stipendija;
3. Univerzitet u Zenici ..... 9 stipendija;
4. Univerzitet u Mostaru ..... 9 stipendija;
5. Univerzitet u Bihaću ..... 9 stipendija;
6. Univerzitet u Banjoj Luci ..... 5 stipendija.

### II

Stipendije se dodjeljuju za akademsku 2015/16. godinu od 01. septembra 2015. do 31. avgusta 2016. godine, odnosno 12 stipendija u mjesečnom iznosu od **30 KWD (kuvajtskih dinara)**, što trenutno odgovara iznosu od cca. **160,00 KM**.

Isplata će se vršiti u KM u skladu sa važećim kursom na dan uplate stipendija od strane Bejtuzzekata iz Kuvajta.

### III

#### OPĆI KRITERIJI:

- da je kandidat državljanin Bosne i Hercegovine;
- da je redovan student na jednoj od **javnih** visoko-školskih ustanova u Bosni i Hercegovini;
- da nije student likovnih, muzičkih, scenskih i dr. umjetnosti;
- da ne obnavlja godinu;
- da nije stipendista nekog drugog pravnog ili fizičkog lica niti da ostvaruje pravo na novčanu naknadu po drugom osnovu;
- da nije stariji od 27 godina;
- da nije zasnovao bračnu zajednicu;
- iz jedne porodice ne može biti više od jednog korisnika stipendije.

### IV

#### POSEBNI KRITERIJI:

- postignuti rezultati u učenju i vladanju;
- da je student prve godine studija ostvario prosjek ocjena **4,50 i više** u završnom razredu srednje škole;
- da je student ostvario prosjek ocjena **7,50 i više** u prethodnoj akademskoj godini;
- iskazani posebni rezultati na kantonalnim, entitetskim, državnim ili međunarodnim takmičenjima iz predmeta matematika, fizika, informatika i strani jezici u prethodnoj školskoj/akademskoj godini u organizaciji ili posredstvom nadležnog ministarstva obrazovanja;
- materijalno stanje porodice - socijalni status.

### V

Za studente prve godine studija prosjek ocjena i drugo se uzima iz završnog razreda srednje škole.

### VI

Komisija za bodovanje i utvrđivanje prijedloga kandidata za dodjelu stipendija će utvrditi broj bodova za svakog kandidata prema slijedećem:

- bodovi po osnovu postignutih rezultata u učenju, takmičenjima i dr.;
- bodovi po osnovu prosječnih primanja po članu domaćinstva, odnosno socijalnog statusa kandidata i njegove porodice;
- bodovi po osnovu dosadašnjeg korištenja stipendije i dr.

#### POTREBNA DOKUMENTACIJA:

##### a) Opća

- zahtjev za dodjelu stipendije (*preuzeti sa internet stranice [www.fondbosnjaci.co.ba](http://www.fondbosnjaci.co.ba) ili u sjedištu Fonda*);
- uvjerenje o redovnom upisu u akademsku 2015/16. godinu;
- ovjerena fotokopija prve i druge stranice indexa;

- uvjerenje o državljanstvu;
- kućna lista (*izdaje se i ovjerava u općini*);
- pismena izjava podnosioca zahtjeva da nije i da neće biti stipendista nekog drugog pravnog ili fizičkog lica niti da će ostvarivati pravo na novčanu naknadu po drugom osnovu u akademskoj 2015/16. godini ukoliko ostvari pravo na stipendiju Fonda "Bošnjaci" (*izjava se daje i ovjerava u općini*);
- pismena izjava kandidata kojom se daje saglasnost Fondu "Bošnjaci" za objavu ličnih podataka prilikom objave rang liste, odnosno rezultata Konkursa i dr. na web stranici Fonda (*izjava se daje i ovjerava u općini*).

#### b) Dokumentacija koja se boduje

- uvjerenje o položenim ispitima iz prethodne akademske godine s izračunatim prosjekom ocjena na dvije decimale;
- za studente prve godine studija ovjerenu fotokopiju diplome i svjedočanstva završnog razreda srednje škole kao i dokaz ukoliko je ponos ili učenik generacije;
- dokaz za osvojeno prvo, drugo ili treće mjesto na kantonalnom, entitetskom, državnom ili međunarodnom takmičenju iz predmeta matematika, fizika, informatika i strani jezici u prethodnoj školskoj/akademskoj godini u organizaciji ili posredstvom nadležnog ministarstva obrazovanja;
- diploma Rijaseta Islamske zajednice u Bosni i Hercegovini o položenom hifzu;
- dokazi o ukupnim mjesečnim prihodima/primanjima za punoljetne članove porodičnog domaćinstva po osnovu: radnog odnosa, penzije, samostalne djelatnosti, boračko-invalidske zaštite i drugih osnova (*za uposlene isključivo platna lista, za posljednji mjesec, iz koje se vide stvarna primanja, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva ispod šest godina starosti izvod iz matične knjige rođenih*);
- dokaz da punoljetni članovi porodičnog domaćinstva imaju ili nemaju samostalnu privrednu djelatnost (*uvjerenje Porezne uprave ili drugog nadležnog organa na osnovu kojeg se vidi da li se vode ili ne vode u registru poreznih obveznika kao poduzetnici, odnosno da li su ili nisu prijavljeni u jedinstveni sistem za registraciju, kontrolu i naplatu doprinosa kao obveznici po bilo kom osnovu sa iskazanim mjesečnim odnosno godišnjim prihodima*);
- dokazi za roditelje: šehidska porodica, bez jednog ili oba roditelja (*izvod iz matične knjige umrlih*), dokaz o učešću u odbrambeno-oslobodilačkom ratu najmanje 24 mjeseca, dokaz o invaliditetu roditelja - preko 60% odnosno 80%;
- dokaz o ličnom invaliditetu kandidata - preko 60%;
- dokaz o redovnom školovanju učenika/studenata u porodici.

#### VII

U skladu sa pravilima Bejtuzzekata iz Kuvajta, odredbama Vakufname, Odlukom o broju, strukturi i kriterijima za dodjelu stipendija u akademskoj 2015/16. godini za koje finansijska sredstva obezbjeđuje Bejtuzzekat iz Kuvajta kao i drugim normativno-pravnim aktima Fonda, pravo učešća na Konkursu imaju redovni studenti **prvog ciklusa** studija na **javnim** visokoškolskim ustanovama u Bosni i Hercegovini sa prosječnom ocjenom **7,50 i više** izuzev studenata na akademijama likovnih, muzičkih, scenskih i dr. umjetnosti.

#### VIII

Uz **zahtjev za dodjelu stipendije (Obrazac: ZBZ-2)** dostaviti **originalna dokumenta** ili **ovjerene** fotokopije.

Sastavni dio ovog Konkursa je **sistem bodovanja kandidata (Obrazac: SBBZ-2)** objavljen na internet stranici **www.fondbosnjaci.co.ba** na osnovu kojeg je kandidat **obavezan sam sebe izbodovati**.

#### IX

Krajnji rok za dostavu zahtjeva je **20. oktobar 2015.** godine.

#### X

Rezultati Konkursa će biti objavljeni u **drugoj polovini novembra 2015.** godine na internet stranici Fonda "Bošnjaci" Sarajevo **www.fondbosnjaci.co.ba** sa pravom prigovora/žalbe Upravnom odboru Fonda u roku od **3 dana** od dana objave preliminarnih rezultata.

#### XI

Ukoliko se ustanovi da je neko od dobitnika stipendije dvostruki korisnik ili se utvrdi da je ostvario pravo na stipendiju na bazi netačnih podataka sa istim će se raskinuti Ugovor o stipendiranju i zatražiti povrat uplaćenih sredstava.

#### XII

Nepotpuni zahtjevi i neblagovremeno dostavljena dokumentacija **neće se uzimati u razmatranje**.

Zahtjev za dodjelu stipendije sa potrebnom dokumentacijom dostaviti putem pošte ili lično na adresu:  
**Fond "Bošnjaci" Sarajevo, Ul. Džemala Bijedića br. 17, 71000 Sarajevo.**



**DIREKTOR**  
*Sahin Kerla*  
**Sahin Kerla, prof.**